

刻黃篇序

成都蔣芝序曰宋之詩以蘇黃盛故黃詩多傳其始集者有任淵氏洪炎氏王子飛氏黃籬氏凡四家建中靖國以後將命其平生著作曰內外篇內篇取合周孔者也嗟夫傳之詩非一世尚論者又非一賢至曰上軋魏晉薰沈謝包曹劉而反遺登山觀海之志豈理也乎古之君子以身寄斯文者不益於治則益於教



山谷在二三真儒中志與學蓋的熒向周孔者  
故內篇有風人之遺教焉何也本之有孝愛宣  
之有忠誠樹之有風節居之有義命由是發於  
穀詩則機籟之鳴性情之會中和懿秀之徵也  
有弗可以興乎最其直道仕不逢辰歛而俛焉  
入乎窮蔭大難不疑而自得以歿齒焉忘其境  
履之危也其爲詞蹶而肆窮而愈工和平婉厚  
之氣想味尤見有弗可以興乎故曰風人之遺

也又曰自孔子來其是非趨向與孔子合者惟  
孟子一人夫孔子之志在周公孟子學孔子者  
也知孔孟則知周公之遺在孔孟矣矧孔孟既  
徃正學弗傳上接正學如濂溪周子在賢者猶  
未能識而先生獨知之肯倣莊周也與哉故儒  
先黃文潔稱其著作合周孔者居多真名言矣  
惜洪氏能承先生命未表內篇之名任淵氏能  
表其名未悉夫義儒因先生志以內篇易詩集

名惟詩集舊以上蘇文忠公詩爲冠儒復於楚  
詞中取漁溪詩冠詩之晉亦先生之志也自知  
僭易旣儒先生鄉人也求先生之志爲表見之  
雖僭弗辭外嘗錄先生古今傳議四篇以自淑  
者并附錄卷末猶惧夫蕪昧考証弗詳得請於  
郡守對溪先生對溪兩川人賢也習先生甚悉  
遂攸就手校序且刻以遺我寧人復示儒曰名  
義取冠實稱元生志而先生入館之精華素履  
之根實不煩糜歲月可計日考見寧之人有志  
於先生者循是求之思過半矣不有考証之功  
歟儒卒承教夫惟彰往哲以覺來脩對溪之用  
心仁矣仁人之心惟是貫徹儒何功焉僭復叙  
其請校之槩如此若先生詩文傳議已有定論  
不庸及

嘉靖癸巳孟秋七月望日寧後學查仲儒學夫

書于沙溪草堂

黃篇目錄

卷之一

四十一首

瀟溪詩

并序

古風二管上蘇子瞻

醇適得蛤蜊復索舜泉舜泉已酌盡官醞

不堪不敢送

次韻王稚川客舍二管

王稚川既得官都下有所盼未歸予戲作

NATIONAL CENTRAL LIBRARY, TAIWAN, R.O.C.

林夫人歎乃歌二章與之竹枝歌本出三  
巴其流在湖湘耳歎乃湖南歌也

詠史呈徐仲車

積

宿舊彭澤懷陶令

題山谷石牛洞

題瀟峯閣

次韻公擇舅

贛上食蓮有感

秋思寄子由

贈別李次翁

演雅

戲和荅禽語

贈鄭交

平陰張澄居士隱處三詩

仁亭

復庵

亨泉

畱王郎

送王郎

次韻劉景文登鄴王臺見思五首

次韻吳宣義三徑懷友

送劉季展從軍鴈門二首

題宛陵張待舉曲肱亭

寄裴仲模

寄黃幾復

神宗皇帝挽詞三首

王文恭公挽詞二首

卷之二

三十七首

謝送礪賜整源揀葦

以小團龍及半挺贈無咎并詩用前韻爲

戲

和荅外舅孫莘老病起寄同舍

次韻定國聞蘇子由臥病績溪

次韻子由績溪病起被召寄玉定國

次韻李之純少監惠硯

送舅氏野夫之宣城二首

送范德孺知慶州

題王黃州墨跡後

題王仲弓兄弟巽亭

寔

寄尉氏倉官王仲弓

有惠江南帳中香者戲荅六言二首

子瞻繼和復荅二首

有聞帳中香以爲熬蝎者戲用前韻

謝公擇舅分賜茶三首

便糴王丞送碧香酒用子瞻韻戲贈鄭彥

龍

送鄭彥能宣德知福昌縣

題聖寺庭枸杞

次韻子瞻贈王定國

次韻張詢齋中晚春

次韻荅晁無咎見贈

次韻荅張文潛惠寄

同錢志仲飯籍田錢孺文官舍

次韻曾子開舍人遊田籍載荷花歸

送劉士彥赴福建轉運判官

次韻韓川奉祠西太乙宮四韻

次韻王荆公題西太乙宮壁二韻

卷之三

四十九韻

有懷半山老人再韻二韻

和荅錢穆父詠猩猩毛筆

戲詠猩猩毛筆二韻

奉和文潛贈無咎篇末多見及以既見君

子云胡不喜爲韻八韻

次韻荅邢郭夫



謝公定和二范秋懷五言邀予同作

送謝公定作竟陵主簿

奉荅謝公靜與蔡子邕論秋元規孫少述

詩長韻

贈送張叔和

填

送顧子敦赴河東三言

司馬文正公挽詞四言

次韻子瞻武昌西山

子瞻詩句妙一世乃云效庭堅體蓋退之

戲效孟郊樊宗師之比以文滑稽耳恐後

生不解故次韻遣之

柳閱展如蘇子瞻甥也其才德甚美有意

於學故以桃李不言下自成蹊八字作詩

贈之

戲詠臘梅二言

蠟梅

短韻奉乞蠟梅

從張仲謀乞蠟梅

賈天錫惠寶薰乞詩予以兵衛森畫戟  
寢凝清香十字作詩報之久失此藁偶於  
門下後省故紙中得之

卷之四

三十首

次韻張仲諫過鬴池寺齋

常父惠示丁卯雪二十韻謹同韻賦之

詠雪奉呈廣平公

次韻宋楸宗儻居甘泉坊雪後書懷

和荅子瞻和子由常父憶館中故事詩

雙井茶送子瞻

和荅子瞻

子瞻以子夏失明見戲聊復戲荅

省中烹茶懷子瞻用前韻

以雙井茶送孔常父

常父荅詩有煎點徑須煩綠珠之句復次  
韻戲荅

戲呈孔毅文

謝黃從善司業寄惠山泉

次韻奉酬劉景文河上見寄

見諸人唱和醪醑詩輒次韻戲詠

次韻秦觀過陳無已書院觀鄙句之作

陳雷市隱

并序

晁張和荅秦觀五言予亦次韻

劉晦叔許洮河綠石研

以團茶洮州綠石研贈無咎文潛

謝王仲至惠洮州礪石黃玉印材

次韻文潛同遊王舍人園

臥南軒

次韻寄晁以道

次以道韻寄范子夷子默

僧景宗相訪寄法王航禪師

次韻子瞻送顧子敦河北都運二首

慈孝寺餞子敦席上奉同孔經父八韻

次韻張昌言給事中喜雨

卷之五

四十九首

送李德素歸舒城

誅李伯時摹韓幹三馬次蘇子由韻簡伯

時兼寄李德素

次韻子瞻和子由觀韓幹因論時伯畫天馬

次韻荅王春中

寅

子瞻去歲春侍立延英子由秋冬間相繼入侍作詩各述所懷予亦次韻四首

再次韻四首

次韻子瞻題郭熙畫秋山

題郭熙山水扇

題惠崇畫扇

題鄭防畫夾五管

題小雀捕飛蟲畫扇

題畫孔雀

睡鴨

小鴨

題劉將軍鴈二首

題劉將軍鵞

題晁以道雪鴈圖

次韻子瞻題無咎所得與可竹二管  
粥字

韻戲嘲無咎人字韻詠竹

次韻文潛休沐不出二管

奉同子瞻韻寄定國

次韻王定國揚州見寄

往歲過廣陵直早春嘗作詩云春風十里

珠簾捲髮髻三生杜牧之紅藥梢頭初

栗揚州風物鬢成絲今日自有淮南來者  
遣揚州事戲以前韻寄定國二首

次韻錢穆父贈松扇

戲和文潛謝穆父松扇

謝鄭閔中惠高麗畫扇二首

次韻王炳之惠玉版紙

謝王炳之惠石香鼎

次韻柳通叟寄王文通

送張天覺得登字

次韻徐文將至國門見寄二首

博士王揚休輟密雲龍同事十三人飯之

戲作

答黃冕仲索煎雙井并簡楊休

再答冕仲

卷之六

五十二首

戲答陳元興

再荅元輿

次韻冕仲考進士試卷

王聖美三子補廣文生

次韻游景叔聞洮河捷報寄諸將四首

和游景叔月報三捷

次韻催伯易席上所賦因以贈行二首

同子瞻和趙伯克團練

戲荅趙伯克觀莫學書及爲序子澤解嘲

延叔益

謝景叔惠冬筍雍酥水梨三物

再荅景叔

次韻幾復和荅所寄

寄上叔父夷仲三首

考試局與孫元忠博士竹間對窓夜聞元

忠誦書戲調悲壯戲作竹枝歌三章和之

觀伯時畫馬禮部試院作

題伯時畫楷痒虎

題伯時畫觀魚僧

題伯時頓塵馬

題伯時畫嚴子陵釣灘

題伯時畫松下淵明

次韻子瞻子由題懋寂圖二首

出禮部試院王才元惠梅花三種皆妙絕

戲荅三首

王立之承奉詩報梅花已落盡次韻戲荅

乞桃花二首

次王仲至少監詠桃花用其韻四首

寄杜家父二首

王才元舍人許往冊求詩

謝王舍人剪送狀元紅

戲荅陳季常寄黃州山中連理松枝二首

次韻子瞻送李豸



次韻林楫宗三月十四日到西池都人盛  
觀翰林公出遊

韓獻爾公挽詩三首

次韻于瞻以紅帶寄王宣義

黃篇卷第一

後學蔣芝考証刊

寧後學查仲儒校証

濂溪詩

并序

春陵周茂叔人品甚高胸中灑落如充風霽  
月好讀書雅意林壑初不為人窘東世故權  
輿仕籍不卑小官職思其憂論法常欲與民  
決訟得情而不喜其為少吏在江湖郡縣蓋

國家圖書館, NATIONAL CENTRAL LIBRARY, TAIWAN, R.O.C.



十五年所至輒可傳任司理叅軍運使以權  
利變具獄茂叔爭之不能得投告身欲去使  
者歛手聽之趙公悅遣號稱好賢人有惡茂  
叔者趙公以使者臨之甚威茂叔處之超然  
其後廼寤曰周茂叔天下士也薦之於朝論  
之於士大夫終其身其爲使者進退官吏得  
罪者自以不寬中歲乞身老於湓城有水發  
源於蓮花峯下縈清緝寒下合於湓江茂叔  
濯纓而樂之築屋於其上用其平生所安樂  
媿水而成名曰濂溪與之游者曰溪名未足  
以對茂叔之美雖熒茂叔短於取名而惠於  
求志薄於徼福而厚於得民菲於奉身而莫  
及斁嬖陋於希世而尚有千古聞茂叔之餘  
風猶足以律貪則此溪之水配茂叔以永久  
所得多矣茂叔諱惇實避厚陵奉朝請名改  
惇願二子壽燾皆好學承家求余作濂溪詩

思誅潛德茂叔雖仕宦三十年而平生之志  
縵在丘壑故余詩詞不及世故猶髣髴其音  
塵

溪毛秀兮水清可飲羨兮濯纓不渙民利兮又  
何有於名絃琴兮觴酒寫溪巖兮延五老以爲  
壽蟬蛻塵埃兮玉雪自清聽潺湲兮鑒澄明激  
貪兮敦薄非青蘋白鷗兮誰與同樂

津有舟兮蕩有蓮勝日兮與客就閒人聞挈音  
兮不知何處散髮醉高荷爲蓋兮倚芙蓉以當  
伎霜清水寒兮舟著平沙八方同宇兮雲月  
家懷連城兮珮明月魚鳥親人兮野老同社而  
爭席白雲蒙頭兮與南山爲伍非夫人攘臂兮  
誰余敢侮

古風二首上蘇子瞻

江梅有佳實託根桃李場桃李縵不言朝露借  
恩允孤芳忌皎潔冰雪空自香古來和鼎實此

物升廟廊歲月坐成晚煙兩青已黃得升桃李  
盤以遠初見嘗饕餮不可口擲置官道傍但使  
本根在棄捐果何傷

青松出澗壑十里關風巖上有百尺絲下有千  
歲苓自性得久要爲人制額齡小草有遠志相  
依在平生醫和不蛀世深根且固帶人言可醫  
國何用太早計小大材則殊氣味固相似

醉得蛤蜊使索舜泉舜泉已酌盡官醞

不堪不敢送

青州從事難再得牆底數樽猶未眠商略督郵  
風味惡不堪持到蛤蜊前

次韻王稚川客舍二首

五更歸夢常苦短一寸客愁無奈多慈母每占  
烏鵲喜家人應賦屢屢歌

身如病鶴翹翎短心似亂絲頭緒多此曲朱門  
歌不得湖南湖北竹枝歌

王稚川既得官都下有所盼未歸予戲作  
林夫人歎乃歌二章與之竹枝歌本出三  
巴其源在湖湘耳歎乃湖南歌也

花上盈盈人不歸  
棗下纂纂實已垂  
鴈雪在時聽馬嘶  
長安城中花片飛

從師學道負千里  
蓋世成功黍一炊  
日日倚門人不見  
看盡林鳥反捕兒

誄史呈徐仲車

諸葛見益州釋耒耜  
三顧川源恨未平  
武功原上路柱微  
對諸葛輿致但求去  
傾心倚經綸坐上  
漫書疏白鷗  
渺蕪葭霜鶻在指  
呼借問諸葛公  
何如迎主簿

宿舊彭澤懷陶令

潛魚碩深渺淵明  
無由逝彭澤當此  
時沉冥一世豪  
司馬寒如灰禮樂  
卯金刀歲晚以字  
行更始號元亮  
淒其望諸葛骯髒  
猶漢相時無益州

牧指揮用諸將平生本朝心歲月閱江浪空餘  
詩語工落筆九天上向來非無人此友獨可尚  
屬予剛制酒無用酌杯盞欲招千載魂斯文或  
宜當

題山谷石牛洞

司馬無心播物祖師有記傳衣白雲橫而不度  
高鳥倦而猶飛

題潛峯閣

徐老海棠巢上王翁主簿峯庵梅蘂破顏冰雪  
綠叢不見黃柑

次韻公擇舅

昨憂黃糧半熟立談白壁一雙驚鹿要須野草  
鳴鷗本願秋江

贛上食蓮有感

蓮實大如指分甘念毋慈共房頭齷齷更深兄  
第思實中有么荷拳如小兒手令我憶衆雛迎

門索梨棗蓮心政自苦食苦何能甘甘冷恐腊  
毒素食則懷慙蓮生淤泥中不與泥同調食蓮  
誰不甘知味良獨少吾家雙井塘千里秋風香  
安得同袍子歸制芙蓉裳

秋思寄子由

黃落山川知晚秋小蟲催女獻公裘老松閱世  
臥雲壑挽著滄江無萬牛

贈別李次翁

利欲薰心隨人翕張國好駿馬盡爲王良不有  
德人俗無津梁德人天遊秋月寒江映徹萬物  
玲瓏八窓於愛欲泥如蓮生塘處水超然出泥  
而香孔竅穿穴明冰其相維乃根華其本含允  
大雅次翁用心不忘日問月學旅人念鄉能如  
斯蓮汜可小康在俗行李密密堂堂觀物慈哀  
慈民愛莊成功萬年付之面墻草木石質與世  
低昂



演雅

桑蠶作繭自纏裹蛛蝥結網工遮邏燕無居舍  
經始忙蝶爲風光勾引破老鷄銜石宿水飲穉  
蜂趨衙供蜜課鵲傳吉語安得閑鷄催晨興不  
敢臥氣陵千里蠅附驥狂過一生蟻旋磨蠹聞  
湯沸尚血食雀喜宮成自相賀晴天振羽樂蟬  
游空穴祝兒成螺羸蝓轉丸賤蘇合飛蛾赴  
燭其死禍井邊蠹李螬苦肥枝頭飲露蟬常餓

天螻伏隙錄人語射工含沙須影過訓狐啄屋  
員行怪蠪蛸報喜大多可鷓鴣密伺負鰕便白  
鷺不禁塵土沈絡繹何嘗省機織布穀未應勤  
種播五枝鼯鼠笑鳩拙百足馬駘憐鱉跛老蚌  
胎中珠是賊醯鷄瓮裏天幾大螳螂當轍恃長  
臂熠燿宵行矜照火提壺猶能勸沽酒黃口只  
知貪飯顆伯勞饒舌世不問鸚鵡纔言便關瑣  
春蛙夏蜩更嘈雜土蚓壁蟬何碎瑣江南野水

碧於天中有白鷗閑似我

戲和荅禽語

南村北村雨一犁新婦餉姑翁哺兒田中啼鳥  
自四時催人脫袴着新衣着新替舊亦不惡去  
年租重無袴着

贈鄭交

高居大士是龍象草堂丈人非熊羆不逢壞衲  
乞香飯唯見白頭垂釣絲鴛鴦終日愛水鏡菡

菴晚風彫舞衣開徑老禪來煮茗還窅密竹逕

中歸

平陰張澄居士隱處三詩

仁亭

無心經世網有遺藏丘山養生息天黥莪木印  
歲寒德人墻九仞強學窺一斑張侯大雅質結  
髮闢儒關躋羸忽諧偶老大嘗艱難築亭上雲  
雨日月轉朱欄牀敷聽萬籟我家頗寬閑牧牛

有坦途七羊自多端市穀麩午枕常以此心觀  
復庵

春糧出求人行李彌宇宙久客渺愁人馬饑僕  
夫瘦歸來一丘中萬事不改舊禾黍鋤其驕牛  
羊鞭其後隱几天籟寒六鑿忽通透

亨泉

水德通萬物發源會時亨伏坎非心願成川且  
意行栖遲林丘下欲濯無塵纓杖藜逢載酒一

瓢酌餘清

畱王郎

河外吹沙塵江南水無津骨肉常萬里寄穀何  
由類我隨簡書來顧影將一身畱我左右手奉  
承白頭親小邦王事畧蟲鳥穀無人王甥解鞍  
馬夜語鷄喚晨毋慈家人肥女慧男垂紳有田  
爲酒事豚韭及秋春生涯得如此舊學更允新  
索去何草草少畱慰艱勤百年才一炊六籍經

幾秦要知曾中有不與迹同陳郢人懷妙質聊  
欲運吾介

送王郎

酌君以蒲城桑落之酒泛君以湘纍秋菊之英  
贈君以黟川點漆之墨送君以陽關墮淚之轂  
酒澆曾次之磊隗菊制短世之頽齡墨以傳萬  
古文章之邛歌以寫一家兄弟之情江山千里  
俱頭白骨肉十年終眼青連床夜語鷄戒曉書  
囊無底談未了有功翰墨乃如此何恨遠別吝  
書少炊沙作糜縵不飽饑冰文章費工巧要須  
心地收汗馬孔孟行世日杲杲有第有第力持  
家婦能養姑供珍鮭兒大詩書女絲麻公但讀  
書煮春茶

次韻劉景文登鄴王臺見思五言

黃濁歸大壑漣漪遠重城西風一橫笛金氣與  
高明歸鴉度晚景落鴈帶邊轂平生知音處別

離空復情

舊時劉子政憔悴  
鄴王城把筆已頭白  
見書猶眼明  
平原秋樹色  
沙麓暮鐘聲  
歸鴈南飛盡  
無因寄此情

繫匏兩相憶  
極目十餘城  
積潦干斗極  
山河皆夜明  
白壁按劍起  
朱絃添水聲  
垂逢四時爾  
木石了無情

茗花浮魯坑  
酒泛酌宜城  
路尋西九曲  
人以漢三  
明千戶非  
無相五言  
空有轂何  
時郭池晚  
照影寫閑情

公詩如美色  
未嫁已傾城  
嫁作蕩子婦  
寒機泣到明  
綠琴蛛網  
遍絃絕不成  
轂想見鷓  
夷子江湖  
萬里情

次韻吳宣義三徑懷友

佳眠未知曉  
屋角聞晴哢  
萬事頗忘懷  
猶牽故人  
夢采蘭秋  
蓬深汲井  
短綆凍起  
看冥飛

見天宇空甚念故人寒誰省機與綜往者天一  
方日月老賓送往者不可言古栢守翁仲

送劉季長從軍虜門二首

劉郎才力能百戰蒼鷹下講秋未晚千里荷戈  
防犬羊十年讀書厭菽菽試尋北產汗血駒莫  
緩南飛寄書虜人生有祿親白頭何能一日無

年饌

石跌谷中玉子瘦金剛宿前藥草肥山家耕耘

成白壁遣人煮掘起風靡絳囊璫璆思盈斗竹  
春香甘要百圍到官莫道無來使日日北風鳴

鴈歸

題宛陵張待舉曲肱亭

仲蔚蓬蒿宅宣城詩句中人賢忘巷陋境勝失  
途窮寒殖書萬卷零亂剛直肯偃蹇勲業外嘯  
歌山水重晨鷄催不起擁被聽松風

寄裴仲謨

交遊二十二年義等親骨肉風雨漂我巢公亦未  
有屋寄穀來問安足音到空谷我家輦轂下薪  
桂炊白玉在官與影俱衣綻髮曲局天機行日  
月春事勤草木念公篤行李野飯中道宿驚沙  
卷旂旗烏尾訛城角駸駸家治具夫子且歸沐  
作書寄後乘爲我遣臣僕起居太夫人并問相  
與睦

寄黃幾復

我居北海君南海寄鴈傳書謝不能桃李春風  
一棹洒江湖夜雨十年燈持家但有四立壁治  
病不蘄三折肱想得讀書頭已白隔溪猿哭瘴

溪藤

神宗皇帝挽詞三首

文思昭日月神武用雷霆制作深垂統憂勤減  
憂齡孫謀開二聖末命對三靈今代誰班馬能  
書汗簡青

釣築收賢輔天人與聖能輝光唐六典度越漢  
中興百世神宗廟千秋永裕陵帝鄉無馬跡空  
望白雲層

昔在基皇極師臣論九疇江陵忽爲谷天下不  
藏舟河洛功無憾密奠策未收嗣皇朝萬國任  
歟正興周

王文恭公挽詞二首

先皇憑玉几未命寄元勳賓日行黃道攀髯上


白雲四時成歲律五色補天文不謂堂堂去今  
成馬鬣墳

宥密深黃閣光輝極上台藏舟移夜壑華屋落  
泉臺雨紉誰爲挽寒笳故作哀傷心具瞻地無  
復衮衣來





國家圖書館, NATIONAL CENTRAL LIBRARY, TAIWAN, R.O.C.





黃篇卷第二


謝送礮賜壑源揀芽

喬雲從龍小蒼壁元豐至今人未識壑源包貢  
第一春緗奩礮香供玉食睿思殿東金井欄  
露薦椀天開顏橋山事嚴龙百局補袞諸公省  
中宿中人傳賜夜未央雨露恩光照宮燭左丞

蜀後學蔣芝考証刊  
寧後學查仲儒校証



NATIONAL CENTRAL LIBRARY, TAIWAN, R.O.C.



似是李元禮好事風流有涇渭肯憐天祿校書  
郎親敕家庭遣分似春風飽識太官羊不慣腐  
儒湯餅腸搜攪十年燈火讀令我曾中書傳香  
已戒應門老馬走客來問字莫載酒

以小團龍及半挺贈無咎并詩用前韻爲

戲

我持玄圭與蒼璧以暗接人渠不識城南窮巷  
有佳人不索賓郎常晏食赤銅茗椀兩斑斑銀

粟翻允解破顏上有龍文下碁局探囊贈君諾  
已宿此物已是元豐春先皇聖功調玉燭晁子  
曾中開典禮平生自期莘與潏故用澆君磊隗  
曾莫令鬢毛雪相似曲几團蒲聽煮湯煎成車  
轂繞羊腸鷄蘇胡麻畱渴羗不應亂我官焙香  
肥如瓠壺鼻雷吼奉君飲此勿飲酒

和荅外舅孫莘老病起寄同舍

西風挽不來殘暑推不去出門厭鞞帽稅駕喜

中履道山鄰日月清  
樾深隴戶同舍多望  
郎閑官無窘步少監  
巖壑姿宿昔廊廟具  
行趨補衮職黼黻我  
王度歸休飲熟客觴  
豆愆調護浩燮養靈  
根勿藥有神助寄聲  
舊僚屬訓誥及七箸  
尚憐費諫詆玉唾洒  
新句北焙碾玄壁谷  
簾煮茸露何時臨書  
几剝芡談至暮

次韻定國聞蘇子由臥病績溪

炎洲冬無冰十月雷  
虺虺及春瘡癘行用  
人祭非鬼巫師司民  
命藥石不入市溪琴  
潛發機土風甚不美  
蘇子臥江南感歎中  
夜起聞道病在牀  
食真不知旨寒暑戰  
冑中士窮有如此此  
公天機深爵祿心已  
死養生遺形骸觀妙  
得骨髓后皇時嘉橘  
中歲多成枳佳人何  
時來爲天啓玉齒前  
被瘴霧姿朝趨去天  
咫諸公轉洪鈞國器  
方薦砥矢詩寫予心  
莊語不加綺

次韻子由績溪病起被召寄王定國

種萱盈九畹蘇子憂國病炎蒸臥石戰山立有  
餘勁必開曲突謀滿慰傾耳聽斯文呂與張泉  
下亦蘇醒天聰四門關國勢九鼎定身得遭太  
平分甘守閑冷天津十年面想見傾而整何時  
及國門休暇過煮茗燒燈畱夜語鴻鴈看對影  
但恐張羅地頗復多造請斯人廊廟器不合從  
遠屏江湖搖歸心毛髮侵老境艱難喜歸來如  
晴月生嶺仍懷阻歸舟風水蛟鱓橫補衮諫官

能用儒吾道盛上書詆平津蠹藁初記省至今  
民社計非事頰舌競方來立本朝獻納繼晨暝  
人材包新舊王度濟寬猛維此禮部公寒泉甃  
舊井謫去久羸瓶召還汲脩綆太任決齋宮陸  
下天統慶日月進亨衢經緯寒耿耿西走巳和  
戎南遷無哀郢誰言兩逐臣朝轡天街竝王子  
竄炎洲萬死保軀命還家頰故紅信亦抱淵靜  
稅屋待車耆掃門親箒柄行當懷書傳載酒求

是正端如常檄攬苦過味方永

次韻李之純少監惠硯

黃公山下黃鷄秋持節恤刑曾少休小人負琴  
得開道掃葉張欽林巖巖相傳有石非地產列  
仙持來自羅浮酒酣步出雲雨上南撫方城西  
蒿丘林端乃見石空洞猛獸異窟踞上頭鳥道  
兔逕謀挽致萬牛不動六丁愁道家蓬萊見仙  
伯我亦洗湔與清涼探囊贈研頗宜墨近出黃  
山非遠求乃知此山自才美物欲致用當窮搜  
迷邦故令成器晚不琢元非匠石羞

送舅氏野夫之宣城二首

籍甚宣城郡風流數貢毛霜林收鴨脚春網薦  
琴高共里須良守今年輟省曹平生割鷄手聊  
試發劔刀

試說宣城郡停盃且細聽晚樓明宛水春騎簇  
昭亭紀程豐圩戶桁楊卧訟庭謝公歌舞處時

對換鵝經

送范德孺知慶州

乃翁知國如知兵塞垣草木識威名敵人開戶  
玩處女掩耳不及驚雷霆平生端有活國計百  
不一試藟九京阿兄兩持慶州節十年麒麟地  
上行潭潭大度如臥虎邊人耕桑長兒女折衝  
千里雖有餘論選經邦正要渠妙年出補父兄  
處公自才力應時須春風於旗擁萬夫幕下諸  
將思草枯智名勇功不入眼可用拚筆答羗胡

題王黃州墨跡後

掘地與斷木智不如機春聖人懷餘巧故爲萬  
物宗世有斷泥手或不待郢工徃時王黃州謀  
國極匪躬朝聞不及夕百壬避其鋒九鼎安盤  
石一身轉孤蓬浮雲當日月白髮照秋空諸君  
發蒙耳汲直與臣同

題王仲弓兄弟巽亭

大隗七聖迷許由連城重里中多佳樹與世作  
梁棟市門行清渠澗水可抱甕壘飛城東南隱  
几撫郡動人境要俱爾我乃得大用烏衣之雲  
孫昆弟不好弄木末風雨來卷箔醉賓從事常  
超然觀樂與賢者共人登斷壘求我自歸鴻送  
溪毛亂錦纈候蟲響機綜世紛甚崢嶸肯次欲  
空洞讀書開萬卷謀國妙百中儻無斷鼻工聊  
付曲肱憂

寄尉氏倉官王仲弓

囂臺有佳人玄髮鑑笄珥登高歌一曲聽者傾  
城市門無行媒迹草木倚樵悴人物方渺熒誰  
能委圭幣

有惠江南帳中香者戲荅六言二首

百鍊香螺沉水寶薰迤出江南一穉黃雲繞几  
深禪想對同參

螺甲割崑崙耳香材屑鸚鵡班欲雨鳴鳩日末



下帷睡鴨春閑

子瞻繼和復荅二首

置酒未容虛左論詩時要指南  
迎笑天香滿袖喜公新赴朝叅

迎蕤溫風旒旒潤花小雨班班  
一炷烟中得意九衢塵裡偷閑

有聞帳中香以爲熬蝎者戲用前韻

海上有人逐臭天生鼻孔司南  
但印香嚴本竊不必叢林徧叅

我讀蔚宗香傳文章不減二班  
誤以甲爲淺俗却知麝要防閑

謝公擇舅分賜茶三首

外家新賜蒼龍璧北焙風烟  
天上來明日蓬山破寒月先  
甘和夢聽春雷

文書滿案惟生睡夢裏鳴鳩  
喚雨來乞與降魔大圓鏡  
真成破柱作驚雷

細題葉字包青箬割取丘郎春信來拚洗一春  
湯餅睡亦知清夜有蚊雷

便糴王丞送碧香酒用子瞻韻戲贈鄭彥

龍

貧好飲寧自嘲日給上尊無國相大農部丞  
送新酒碧香竊比主家釀應憐坐客竟無羶更  
遭官長頗譏謗銀杯同色試一傾排遣春寒出  
帷帳浮蛆翁翁盃底滑坐想康成論泛盎重門  
著關不為君但備惡客來餽

送鄭彥能宣德知福昌縣

往時河北盜橫行白晝驅人取城郭唯聞不犯  
鄭冠氏大臥不驚民氣樂祇今化兵作鋤耰田  
舍老翁百不憂銅章去作福昌縣山中讀書民  
有秋福昌愛民如父母當官不擾萬事舉用才  
之地要得人眼中虛席十四五不知諸公用心  
許魯恭卓茂可人否

題聖寺庭枸杞

仙苗壽日月佛界承露雨誰爲萬年計乞此一  
椀上扶踈上翠蓋磊落綴丹乳去家尚不會出  
家何用許政恐落人間采剝四時苦成養九節  
杖持獻西王母

次韻子瞻贈王定國

遠志作小草龜木生陵屯但爲居移氣其實何  
足言名下難爲人醜好隨手翻百年炊未熟一  
堊蟻追奔夏日蓬山未我葵茂堦藩王子吐佳  
句如蠶絲出盆風姿極灑落雲氣畫壘樽屬有  
補袞章自當寵頻煩鄙夫無他能上車問寒溫  
惟恐窮山去抱犢長兒孫

次韻張詢齋中晚春

學古編簡殘懷人江南未非無車馬客心遠境  
亦靜挽蔬夜雨畦煮茗寒泉井春去不窺園黃  
鸝頗三請立朝無物望補外儻天卒想乘滄浪

船濯髮晞翠嶺

次韻荅晁無咎見贈

翕翕一日炎耽耽萬年未  
四溟仰首觀頃復歸  
根靜時雨瀉玉除潢潏漲天井性不耐衣冠人  
門踈造請煮餅臥北窓保此已微奉空餘見賢  
心忍渴望梅嶺

次韻荅張文潛惠寄

短褐不磷緇文章近楚辭未識想風采別去令  
人思斯文已戰勝凱歌偃旂旂君行魚上水忽  
復蕤哺兒學省得佳士催來費符移方觀追金  
玉如許遽言歸南山有君子握蘭懷令姿但應  
潔齋俟勿詠無生詩

同錢志仲飯籍田錢孺文官舍

帝籍開千畝農功先九州王孫守耒耜吏隱極  
風涼水夏豐草木五雲衛郊丘牛羊臥籬落賓  
客解衣裘汲井羞熱啜挽溪供甘柔倒靛收蓮

的剖蚌煮鴻頭野日草光合水風荷氣浮稻畦  
下白鷺林樾應鳴鳩主人發清賞况復佳同遊  
歸扇障小雨真成一賜休

次韻曾子開舍人遊田籍載荷花歸

維王調玉燭時夏雨我田壁掛蒼龍骨瀆渠故  
濺濺三推勸根本百穀收阜堅官司極齋明崇  
丘見升煙繫馬西門柳憶聽去夏蟬剥芡珠走  
盤釣魚杓貫鮮掃堂延枕簟公子氣翩翩自爾

欲繼往阻心如壅泉紫薇樂夏日披襟詠風漣  
紅粧倚荷蓋水鏡寫明蠲美物亦有實剪房助  
加籩珠宮紫貝闕足此水府仙鬱鬱冠盖宅追  
奔易彫年能從物外賞真是區中賢仍聞載後  
乘籠燭照嬋娟

送劉士彥赴福建轉運判官

秋葉雨墮來冥鴻天資高車馬氣成霧九衢行  
滔滔中有寂寞人靈府扃鎖牢西風持漢節騎

從嚴弓刀維閩七聚落媿獨困吏饗土弊禾黍  
惡水煩鱗介勞南驅將仁氣百城共一陶察人  
極涇濁間俗及豚羔官閒得勝日杖屨之林臯  
人間閱忠厚物外訪英豪

次韻韓川奉祠西太乙宮四首

萬靈未對甘泉五福問祀逐年旂旂三游半偃  
風馬雲車闖駝

白髦下金神節青祝携御鑪香百禮盡修享祀  
九歌不取沅湘

紫府侍臣鳴玉霜臺御史生風官燭論詩未了  
知秋自屬梧桐

泰壇下瑞雲黃雨師灑道塵香便面猶承墜露  
金鉦半吐東墻

次韻王荊公題西太乙宮壁二首

風急啼鳥未了雨來戰蟻方酣真是真非安在  
人間北眷成南

晚風池蓮香度  
晴日宮槐影西  
白下長干夢到  
青門紫曲塵迷

黃篇卷第三

蜀後學蔣芝考証刊  
寧後學查仲儒校証

有懷半山老人再韻二首

短世風驚過雨成功憂迷酒醺草玄不妨準場  
論詩緣近周南

啜羨不如放麋樂羊綏愧巴西欲問老翁歸處  
帝鄉無路雲迷



和荅錢穆父誅猩猩毛筆

愛酒醉魂在能言機事踈平生幾兩履身後五  
車書物色看王會勳勞在石渠拔毛能濟世端  
爲謝楊朱

戲誅猩猩毛筆二首

梳椰葉暗檳榔紅朋友相呼墮酒中政以多知  
巧言語失身來作管城公

明窓脫帽見蒙茸醉着青鞋在眼中束縛歸來

儻無辱逢時猶作黑頭公

奉和文潛贈無咎篇末多見及以既見君

子云胡不喜爲韻八首

龜以靈故焦雉以文故翳本心如日月利欲食  
之既後生玩華藻照影纒沒世安得八紘且以  
遣獵衆智

談經用藝說東棄諸儒傳濫觴雖有罪末派瀾  
九縣張侯真理窟堅壁勿與戰難以口舌爭水

清石自見

野性有麋鹿君非我同群  
文明近日月我亦不  
如君十載長相望逝川水  
紆紆何當談絕倒茗  
椀對鑪薰

北寺鎖齋房塵鑰時一啟  
晁張楚楚來連壁照  
書几庭栢鬱葱葱紅楮  
鐸多子時蒙吐佳句  
幽處萬籟起

先皇元豐末極厭士淺聞  
只今舉秀孝天未喪  
斯文晁張斑馬晉崔蔡  
不足云當令橫筆陣一  
戰靜楚氛

張侯窘炊玉僦屋得空壚  
但見索酒郎不見酒  
家胡錐肥如瓠壺甬中  
殊不麓何用知如此文  
彩似於菟

荆公六藝學妙處端不朽  
諸生用其短頗復鑿  
戶牖譬如學捧心初不  
悟已醜玉石恐俱焚公  
爲區別否

吾有陳師道抱獨門掃軌晁張作薦書射雉用  
一矢吾聞舉逸民故得天下喜兩公陣堂堂此  
士可摩壘

次韻荅邢敦夫

爲山不能山過在一簣止渥洼騏驎兒墮地志  
千里岷江初濫觴入楚乃無底將升聖人堂遣  
固有庶陞邢子好少年如世有源水方求無津  
涯不作蛙井喜兒中兀老蒼趣造甚奇異過閱  
王公門袖中有漫刺別來阻河山望遠每障袂  
斯文向千載有志常寡遂後生文楚楚照影若  
孔翠不應太玄草晞價咸陽市雨作枕簟秋官  
閑省中睡夢不到漢東茗椀乃爲崇聞君肺渴  
減頗復佳食寐讀書得新功來鴈寄一字

和邢敦夫秋懷十首

殘暑已做裝好風方來歸未能踈團扇頗復製  
秋衣高蟬遽如許長吟送落暉相戒趣女功莎

蟲能表微

曩時高唐客暮雨朝行雲陰居懷天匹楚觀憂  
紛紜我欲覩允儀齋明炷香薰天高萬物肅誰  
爲帝子魂

七均師無轂五和常主淡芸芸觀此歸一德貫  
真澹憂臨秋江水負鰕避窺瞰明月本無心誰  
令作寒鑑

王度無畦畛包荒用憑河秦杖鄭渠成晉得楚

材多用人當其物不但軸與邁六通而四闢王  
燭四時和

相如用全趙畱侯開有漢名登太山重功畧天  
下半讓頗封韓彭事成群疑泮天道常曲全小  
智驚後患

慶州名父子忠勇橫八區許身如稷契初不學  
孫吳荷戈去防秋面皴鬢欲踈雖折千里衝豈  
若秉事樞

謝公蘊風源詩作鮑照語絲蟲紫草紙筆力挾  
風雨萬里接諫書石文化豺虎世方用髀髁先  
成泉下土

今日呂魏州堂堂古遺直許國輸九死補天鍊  
五色頗脩諫員缺人壽非金石西風壯夫淚多  
為程顥滴

吾友陳師遣抱瑟不吹竽文章似揚馬咳唾落  
明珠固窮有膽氣風壑嘯於菟秋來入詩律陶

謝不枝梧

邢子臥北窓吟秋意少棕讀書用意苦嘔血驚  
乃翁安得和扁鵲為浣學古曾肺熱今好舌微  
涼井生桐

謝公定和 范秋懷五首邀予同作

西風 葉脫迹已不可掃巷有白馬生朝回焚  
諫草誰云事君難是亦父子間所要切補衮不  
言能犯顏

四會有黃令學古著勲多白頭  
落何雖懷斷鼻巧有斧且無柯  
安得五十絃奏此寒士歌

采蓮涉江湖采菊度林藪  
插鬢不成妍誰憐飛蓬  
晉平生耦耕地風雨深  
根莠謝公遂如此求袖絕絃手

往日孫陽翟才可任遺補  
擊強如摧枯貪蘗不知苦  
屬者缺諫垣時論或未許  
儻可假邦使民作鄒魯

用智常恨老用決常恨早  
推轂天下士誠心要傾倒  
溝宇日清明廟堂勤灑掃  
何為陳師遺白髮三徑草

送謝公定作竟陵主簿

謝公文章如虎豹至今斑斑  
在兒孫竟陵主簿極多閒  
萬事不理專討論澗松無  
心古須鬣天球不琢中粹  
溫落筆塵沙百馬奔劇談  
風霆九河翻胷中恢疎無  
怨恩當官持廉且不煩吏  
民

欺公亦可忍慎勿驚魚使水渾漢濱耆舊今誰  
存駟馬高蓋徒紛紛安知四海習鑿齒拄笏看  
度南山雲

奉荅謝公靜與榮子邕論狄元規孫少述

詩長韻

謝公遂如此宰木已三霜無人知句法秋月自  
澄江二子學邁俗窺柱見牖窓試斷郢人鼻未  
免傷手創蟹胥與竹萌乃不美羊腔自往見謝

公論詩得濠梁世方尊兩耳未敢築受降丹沈  
鳳凰羽風林虎豹章相思北風惡歸鴈落斜行

贈送張叔和

張侯溫如鄒子律能令陰谷忝生春有齊先君  
之季女十年擇對無可人箕箒掃公堂上塵家  
風孝友故相親廟中時薦南澗蘋兒女衣袴得  
補紉兩家俱爲白頭計察公與人意甚真更能  
束縛老姦手要使鰥寡無顰呻但廻此光還照

已平生倦學皆日新我提養生之四印君家所  
有更贈君百戰百勝不如一忍萬言萬當不如  
一默無可簡擇眼界平不藏秋毫心地直我肱  
三折得此醫比覺兩踵先光輝團蒲日靜鳥吟  
時爐薰一炷試觀之

送顧子敦赴河東三首

頭白書林二十年印章今領晉山川紫參可掘  
宜包貢青鐵無多莫鑄錢勸課農桑誠有道折  
衝樽俎不臨邊要知使者功多少看取春郊處

慶田

家在江東不繫懷愛民憂國有從來月斜汾沁  
催驛馬雪暗岢嵐傳酒杯塞上金湯唯粟粒曾  
中水鏡是人才遙知更鮮青牛句一寸功名心  
已灰

攬轡都城風露秋行臺無妾護衣篝虎頭妙墨  
能頻寄馬乳蒲萄不待求上黨地寒應強飲兩



河民病要分憂猶聞昔在軍興日一馬人間費  
十牛

司馬文正公挽詞四首

元祐開皇極功歸用老臣惟深萬物表不令四  
時行日者傾三接天平奠兩楹堂堂寧復有埋  
玉慟佳城

國在多難日人如大雅詩忠清俱沒世孝友是  
生知加璧延諸老棗弓撫四夷公身與宗社同

作太平基

獻納無虛日居然迹已陳清班區玉石寶曆順  
星辰更化思鳴鴟遺書似獲麟易名無異論今  
代两三人

毀譽盖棺了于今名實尊哀榮有王命終始酌  
民言蟬冕三公府深衣獨樂園平生两無累憂  
國愛元元

次韻子瞻武昌西山

漫郎江南酒隱處古木參天應手栽石均爲尊  
酌花鳥自許作鼻調盞梅平生四海蘇太史酒  
澆不下曾崔嵬黃州副使坐閑散諫疏無路通  
銀臺鸚鵡洲前弄明月江妃起舞襪生埃次山  
醉魂招髣髴步入寒溪金碧堆洗前塵痕飲嘉  
客笑倚武昌江作壘誰知文章照今古野老爭  
席渙爭隈鄧公勒銘畱刻畫剝剔銀鈎洗綠苔  
琢磨十年烟雨晦摸索一讀心眼開謫去長沙

憂鵬入歸來杞國痛天摧玉堂却對鄧公直北  
門喚仗聽風雷山川悠遠莫浪許富貴崢嶸金  
鼎來萬壑松聲如在耳意不及此文生哀

子瞻詩句妙一世乃云效庭堅體蓋退之  
戲效孟郊樊宗師之比以文滑稽耳恐後  
生不解故次韻遣之

我詩如曹鄴淺陋不成邦公如大國楚吞五湖  
三江赤壁風月笛玉堂雲霧窓句法提一律堅

城受我降枯松倒澗壑波濤所舂撞萬牛挽不  
前公乃獨力扛諸人方嗤黠渠非晁張雙但懷  
相識察牀下拜老龐小兒未可知客或許敦龐  
誠堪婚阿翼買紅纏酒缸

柳閱展如蘇子瞻甥也其才德甚美有意

於學故以桃李不言下自成蹊八字作詩

贈之

柳君文甚武睥視萬人豪老氣鼓不作卷旗解

弓刀上爲朝陽桐下爲澗溪毛囊中有美實期

子種蟠桃

浮陽愧嘉魚遺傍多苦李古來賢達人爭咸

陽市吾子富春秋日月東趨水潛聖有玉音聞

遣而已矣

霜威能折線風力欲冰酒勤子來訪遣楞耽我  
何有寢興與時俱由我屈伸肘飯羹自知味如  
此是遣下

任世萬鈞重載言以爲軒空文誤來世聖達欲  
無言咸池浴日月深宅養靈根曾中浩戾氣一  
家同化元

陸沉百世師寄食魯柳下我今見諸孫風味窺  
大雅大雅久不作圖王勿成霸備哉居移氣蘭  
鮑在所化

聖學魯東家恭惟同出自乘流去本遠遂有作  
書肆口中駕肩來薄晚常掉臂徒囂終無羸歸

### 矣求已事

清潤玉泉冰高明秋景晴妙年勤翰墨銀鈎爛  
縱橫藍田生美璞未琢價連城思爲萬乘器柱  
下貴晚成

八方去求道渺渺困多蹊歸來坐虛室夕陽在  
吾西君今秣高馬夙駕先鳴鷄慎勿取我語親  
行乃不迷

### 戲詠臘梅二首

金蓓鎖春寒惱人香未展須無桃李顏風味極不淺

體薰山麝臍色染薔薇露披拂不滿襟時有暗香度

### 蠟梅

天上戲剪百花房奪盡人工更有香埋玉地中成故物折枝鏡裏憶新粧

### 短韻奉乞蠟梅

卧雲蕊上殘花笑香似早梅開不遲淺色春衫弄風日遣來當爲作新詩

### 從張仲謀乞蠟梅

聞君寺後野梅發香蜜染成官樣黃不擬折來遮老眼欲知春色到池塘

賈天錫惠寶薰乞詩予以兵衛森畫戟焚寢凝清香十字作詩報之久失此藁偶於門下後省故紙中得之

險心游萬仞躁欲生五兵  
隱几香一炷靈臺湛  
空明

晝食鳥窺臺宴坐日過砌  
俗氛無因來煙霏作  
輿衛

石密化螺甲棋樞煮水沉  
博山孤煙起對此作  
森森

輪囷香事已郁郁著書盡  
誰能入吾室脫汝世  
俗械

賈侯懷六韜家有十二戟  
天資喜文事如我有  
香癖

林花飛片片香歸啣泥燕  
閉閣和春風還尋蔚  
宗傳

公虛采蘋宮行樂在小寢  
香炷富發聞色馭不  
可稔

牀帷爽氣馥衣桁晚烟凝  
瓦溝鳴急雪睡鴨照  
華燈

雉尾映鞭轂金鑪拂太清班迤聞香早歸來學  
得成

衣篝麗紈綺有待乃芬芳當念真富貴自薰知  
見香


黃篇卷第四

蜀後學蔣芝考証刊

寧後學查仲儒校証

次韻張仲謀過酺池寺齋

十年醉錦幄醺醺照金沙  
欵眠春風底不去畱  
君家是時應門兒  
紫蘭茁其芽  
只今將第妹嬉  
戲牽羊車  
忽書蒲窻紙  
整整復斜斜  
平生悲歡  
事頭緒如亂麻  
苟祿無補報  
幾成來會嗟  
喜君





崇名節青雲似可涯我夢江湖去釣船刺蘆花  
江濱開園宅畦蕨蒔梨柰夢驚如昨日炊玉困  
京華公來或藜羹愛我不疵瑕深念煩鄉里忍  
窮禁貸賒夜談簾幕冷霜月動金蛇卽是桃李  
月春蟲語交加我亦無酒飲一室可盤媧要公  
共文字朱墨勘舛差非復少年日穀名取嫫媸  
諸阮有二妙能詩定自嘉何時來煮餅蟹眼試

官茶

常父惠示丁卯雪二十韻謹同韻賦之

春皇賦上瑞來寧黃屋憂下令走百神大雲庇  
九丘風轂將仁氣艷艷生瓦溝寒花舞零亂表  
裏照皇州千門委圭璧曉日不肯收元年冬無  
澤穴處長蟻蝨兩宮初盱食補衮獻良籌有道  
四夷守無征萬邦休耆年秉國論涇渭極分流  
輟耒入班品逸民盡歸周股肱共一體間不容  
戈矛人材如金玉同美異剛柔政須衆賢和乃

可疏共投改弦張敞法病十九已瘳王指要不  
匿蝕非日月羞桑林請六事河水問九疇天意  
果熒得玄功與吾謀此物有嘉德古年在麥秋  
迓臣知天喜玉色動冕旒儒館無他事作詩配  
崇丘

詠雪奉呈廣平公

連空春雪明如洗忽憶江清水見沙夜聽踈踈  
還密密曉看整整復斜斜風回共作婆娑舞天  
巧能開頃刻花政使盡情寒至骨不妨桃李用  
年華

次韻宋楸宗儵居井泉坊雪後書懷

漢家太史宋公孫謾逐班行謁帝闈  
燕領封侯空有相蛾眉傾國自難婚  
家徒四壁書侵坐馬瘦三山葉擁門  
安得風帆隨雪水江南石上對  
窻尊

和荅子瞻和子由常父憶館中故事詩

二蘇上連壁三孔立分鼎少小看飛騰中年嗟  
遠屏風撼鵲鷓枝波寒鴻鴈影天不祿斯文俱  
來集臺省日月黃道明桃李春晝末時平少狂  
獄地禁絕龜鼃頗懷脩故事文會陳果茗當時  
群玉府人物殊秀整下直馬闐闐杯盤具俄頃  
共醉凌波襪誰窺接轄井天網極恢疎道山非  
薄領何曾歸閉門燈火坐寒冷欲觀大平象復  
古望公等賤子託後車當煩煮湯餅

雙井茶送子瞻

人間風日不到處天上玉堂森寶書想見東坡  
舊居士揮毫百斛瀉明珠我家江南摘雲腴落  
磴霏霏雪不如爲君喚起黃州夢獨載扁舟向  
五湖

和荅子瞻

一月空廻長者車報人問疾遣兒書翰林貽我  
東南句窻間默坐得玄珠故園溪友膾腴腹遠

包春茗問何如玉堂下直長廊靜爲君滿意說  
江湖

子瞻以子夏失明見戲耶復戲荅

化工見彈大早計端爲失明能著書邇來似天  
會事發淚睫見光猶墮珠喜公新賜紫琳腴上  
清虛皇對久如請天還我讀書眼願載軒轅訖  
昇湖

省中烹茶懷子瞻用前韻

閣門井不落第二竟陵谷簾定誤書思公煮茗  
共湯彘蛆竅生臭眼珠置身九州之上腴爭  
名燄中沃焚如但恐次山曾磊隗綫便酒舫石  
臭湖

以雙井茶送孔常父

校經同省竝門居無日不聞公讀書故將茗椀  
澆舌本要聽六經如貫珠心知韻勝舌知腴何  
似寶雲與真如湯餅作魔應午寢慰公渴夢吞

江湖

常父荅詩有剪點徑須煩線珠之句復次

韻戲荅

小鬟雖醜巧粧梳掃地如鏡能檢書欲買娉婷  
供煮茗我無一斛明月珠知公家亦闕掃除但  
有文君對相如政當爲公乞如願作牋遠寄宮  
亭湖

戲呈孔毅文

管城子無食肉相孔方兄有絕文書文章功用  
不經世何異絲窠綴露珠校書著作頻詔除猶  
能上車問何如忽憶僧床同野飯夢隨秋鴈到  
東湖

謝黃從善司業寄惠山泉

錫谷寒泉攬石俱并得新詩蠶尾書急呼烹鼎  
供茗事晴江急雨看跳珠是功與世滌羶腴令  
我屢空常晏如安得左轡清潁尾風鑪煮茗臥

西湖

次韻奉酬劉文景河上見寄

省中岑寂坐雲窻忽有歸鴻拂建章  
珍重多情惟石友琢磨佳句問潛郎  
遙憐部曲風沙裏不廢平生翰墨場  
想見哦詩煮春茗向人懷抱去

關防

見諸人唱和醪醑詩輒次韻戲詠

梅殘紅藥遲此物共春歸名字因壺酒  
風涼付

枕幘墜銅香徑草飄雪淨垣衣王氣晴  
虹發沈材鋸屑霏直知多不厭何忍摘  
令稀常恨金沙學顰詩正可揮

次韻秦觀過陳無已書院觀鄙句之作

陳侯大雅姿四壁不治第碌碌盆盎中  
見此古壘洗薄飯不能羹墻陰老春薺  
唯有文字性萬古抱根抵我學少師承  
坎井可窺底何因蒙賞味相享當牲醴  
試問求志君文章自有體玄鑰

鎮靈臺渠當爲公啟

陳畱市隱 并序

陳畱江端禮季共曰陳畱市上有刀鐻工年四十餘無室家子姓惟一女年七歲日以刀鐻所得錢與女子醉飽則簪花吹長笛肩女而歸無一朝之憂而有終身之樂疑以爲有遺者也陳無已爲賦詩庭堅亦擬作

市井懷珠玉往來人未逢乘肩嬌小女邂逅此生同養性霜刀在閱人清鏡空時時能舉酒殫缺送飛鴻

晁張和荅秦觀五言予亦次韻

山林與心違日月使髮換儒衣相詬病文字奉娛玩自古非一秦六籍蓋多難詩書或發塚熟念令人惋秦君銳本學驥子已血汗相期驂天衢伯樂嘗一盼士爲欲心縛寸勇輒尺懦要當觀此心日照雲霧散扶踈萬物影宇宙同璀璨

置規豈惟若亦自警弛慢

劉晦叔許洮河綠石研

久聞岷石鴨頭綠可磨桂溪龍文乃莫嫌文吏  
不知武要試飽霜秋兔毫

以團茶洮州綠石研贈無咎文潛

鬼子智囊可以插四海張子筆端可以回萬牛  
自我得二士意氣傾九州道士延閣委竹帛清  
都大微望冕旒具宮胎寒弄明月天網下罩一

日收此地要須無不有紫皇訪問富春秋晁無  
咎贈君越侯所貢蒼玉璧可烹玉塵試春色澆  
君胃中過秦論斟酌古今來活國張文潛贈君  
洮州綠石含風漪能淬筆鋒利如錐請書元祐  
開皇極第入思齋訪落詩

謝王仲至惠洮州礪石黃玉印材

洮礪發劔虹貫日印章不琢色蒸栗磨礪頑鈍  
印此心佳人持贈意堅密佳人髻雕文字工藏



書萬卷曾次同日臨天閑  
秦真龍新詩得意挾  
雷風我貧無句當二物  
看公到海取明月

次韻文潛同遊王舍人園

移竹淇園下買花洛水陽  
風烟二十年花竹可  
送藏九衢漉車馬相值  
各匆忙豈有道邊宅靜  
居如寶坊幅巾送客酒  
妙歌小紅裳主人有班  
綴衣拂御爐香常恐鸚  
鵡鳴百草爲不芳故作  
龜尾曳頗深添園方初  
開蝸牛廬中置獅子牀

買田宛丘間江漢起濫觴  
今此百畝宮冬溫夏  
清涼身閑閱世故字靜  
發天允安肯穀利塲牽  
黃臂老蒼張侯筆瑞世  
三秀麗齋房作詩盛推  
當朗珠計斛量掃花坐  
晚吹妙語益難忘重游  
樊素病捧心不能粧來  
日猶可追聽我歌楚狂

臥南軒

陶公白頭臥宇宙一北窻  
但聞窻風雨平陸漫  
成江卵金扛九鼎把菊  
醉胡床城南晁正字國

器無等雙日月麗宸極大明朝萬邦假版未通  
班曉麗夢逢逢萬卷曲肱裏曾中湛秋霜亦有  
好事人叩門提酒缸欲眠不遣客真處更難忘

次韻寄晁以道

河漢牛與女咫尺不得語歡熒共秋盤以茲不  
忘故我友在天末問天許見否雲雨隔九關日  
月不我與念公坐臞禪守心如縛虎頗思携法  
喜舉按餼南畝不聞犯齋叔猶聞畫眉謂良為  
鼻祖來渠依為伴侶我有桂溪刀聊憑東風去

次以道韻寄范子夷子默

鼓缶多秦轂琵琶作胡語是中非神奇根器如  
此故范公秉文德斷國極可否至今筦樞機大  
瘦而少與嬋媽世有人風壑嘯兩虎小心學忠  
孝鄙事能攏畝持論不遽蒞奉身謝誇詡頗知  
城南園文會英俊侶何當休沐歸懷茗就煎去

僧景宗相訪寄法王航禪師

抱牘稍退鳧鷖行倦禪時作棠隄坐忽憶頭陀  
雲外人閉門作夏與僧過一絲不掛魚脫淵萬  
古同歸蟻旋磨山中雨熟瓜芋田喚取小僧休  
乞錢

次韻子瞻送顧子敦河北都運二首

儒者給事中顧公甚魁偉經明往行河商略頗  
應史勞人又費之國計安能已成功渠有命得  
人斯可喜似聞阻飢餘惡少驚邑里啟鑰探珠  
金奪懷取妹美部中十盜發一二書奏紙西連  
魏三河東盡齊四履此豈小事哉何但行治水  
使民皆農桑乃是真儒耳

今代顧虎頭骨相自雄偉不令長天官亦合丞  
御史能貧安四壁無愠可三已昨來立清班國  
士相顧喜何因將使節風日按千里汲黯不居  
中似非朝廷美大任錄萬事御坐畱諫紙發政  
恐傷民天步薄冰履蒼生憂其負南畝多被水

公行圖安集信目勿信耳

慈孝寺餞子敦席上奉同孔經父八韻

日未知槐夏雲黃喜麥秋同朝國事集賜沐吏  
功休祇園冠蓋地清與耳目謀晴雲浮茗椀飛  
電落文楸一客衆主人醉此顧虎頭虎頭持龍  
節排河使東瀛厥田惟上上桑麻十數州計功  
不汗馬可封萬戶侯

次韻張昌言給事中喜雨

三雨全清六合塵詩翁喜詩句凌雲埜漂戰蟻  
餘追北柱擊乖龍有裂文滅去鮮肥憂玉食偏  
宗河嶽起爐薰聖功惠我豐年食未有涓埃可

報君



黃篇卷第五

送李德素歸舒城

僧夏莫問途  
麥秋宜煮餅  
北寺旬休歸  
長廊六月冷  
簾翻寒江浪  
茶破蒼壁影  
李侯爲我來  
遽以歸期請  
青衿廢詩書  
白髮遣定省  
蒸畦當鉏灌  
蠹簡要籤整  
挽衣不可留  
決去事繼屏  
天恢

蜀後學蔣芝考証刊  
寧後學查仲儒校証

獵德網日罾養賢鼎此士落江湖孰思念人瘦  
曾中吉祥宅膜外榮辱境婆娑萬物表藏刃避  
肯蔡人生要當學安燕不徹警古來惟深地相  
待汲脩綆

詠李伯時摹韓幹三馬次蘇子由韻簡伯  
時兼寄李德素

大史瑣窻雲雨垂試開三馬拂蛛絲李侯寫影  
韓幹墨自有筆如沙畫錐絕塵超日精爽緊若  
失其一望路馳馬官不語臂揮指乃知伏下非  
新羈吾嘗覽觀在坳馬駑駘成列無權竒緬懷  
胡沙英妙質一雄可將十萬雌決非廝養所成  
就天驥生駒人得知千金市骨今何有士或不  
價五段皮李侯畫隱百寮底初不自期人誤知  
戲弄丹青聊卒歲身如閱世老禪師

次韻子瞻和子由觀韓幹因論時伯畫天

馬

于闐花駘龍八尺看雲不受絡頭絲西河驄作  
蒲萄錦雙瞳夾鏡耳卓錫長楸落日試天步知  
有四極無由馳電行山立氣深穩能耐珠韉白  
玉羈李侯一顧歎絕足領畧古法生新奇一日  
真龍入圖畫在垆群雄望風雌曹霸弟子沙苑  
丞喜作肥馬人笑之李侯論幹獨不爾妙畫骨  
相遠毛皮翰林評書乃如此賤服貴瘦渠未知  
况我平生賞神駿僧中云是蓬萊師

次韻荅王春中

有身猶縛律無夢到行雲俗裏充塵合曾中涇  
渭分我塞江南秀一見空馬群誇士慕鍾鼎寒  
儒守典墳吾欲超萬古乃如負山蚊能來商畧  
此趺坐對爐芬

子瞻去歲春侍立延英子由秋冬間相繼  
入侍作詩各述所懷予亦次韻四首

赤壁歸來入紫清堂堂心在鬢彫零江沙踏破



青鞋底却結絲絢侍禁庭

曾蟠萬卷夜先寒筆倒三江硯滴乾大似不蒙  
稽古力只今猶著侍臣冠

對掌絲綸罷記言職親黃屋傍堯軒鴈行飛上  
猶回首不受青雲富貴吞

樂天名位聊相似却是初無富貴心只欠小  
樊素在我知造物愛公深

再次韻四首

隆儒殿閣對橫經咫尺清都雨露零見說文星  
環北極人間無路仰天庭

風搖倒影日光寒堯日當中路正乾殿上給扶  
鳴漢履螭頭簪筆見秦冠

萬國歸心天不言諸儒爭席異臨軒聖功典學  
形歌頌更覺曹劉不足吞

延和西路古槐陰不隔朝宗夙夜心公有曾中  
五色線平生補袞用功深

次韻子瞻題郭熙畫秋山

黃州逐客未賜還江南江北飽看山  
玉堂臥對郭熙畫發興已在青林間  
郭熙官畫但荒遠短紙曲折開秋晚  
江村烟外雨脚明歸鴈行邊餘疊巘  
坐思黃柑洞庭霜恨身不如鴈隨陽  
熙今頭白有眼力尚能弄筆映窻爓  
畫取江南好風日慰此將老鏡中髮  
但熙肯畫寬作程十日五日一水石

題郭熙山水扇

郭熙雖老眼猶明便面江山取意成  
一段風烟且千里解如明月逐人行

題惠崇畫扇

惠崇筆下開江面萬里晴波向落暉  
梅影橫斜人不見鴛鴦相對浴紅衣

題鄭防畫夾五首

惠崇烟雨歸鴈坐我瀟湘洞庭欲喚扁舟歸去

故人言是丹青

能作山川遠勢白頭惟有郭熙欲寫李成驟雨  
惜無六幅鵝溪

徐生脫水雙魚吹沫相看晚圖老矣箇中得計  
作書遠寄江湖

折蒿枯荷共晚紅  
檣苦竹同時睡鴨不知飄雪  
寒雀四顧風枝

子母猿啼檣葉山南山北危機世故誰能樗里  
穀中皆是由基

題小雀捕飛蟲畫扇

小蟲心在一啄間得失與世同輕重丹青妙處  
不可傳輪扁斲輪如此用

題畫孔雀

梳櫛暗天蕉葉長縵露文章櫻世網故山桂子  
落秋風無因雌雄青雲上

睡鴨

山鷄照影空自愛孤鷺舞鏡不作雙天下真成  
長會合兩鳥相倚照秋江

小鴨

小鴨看從筆下生幻法生機全得妙自知力小  
畏滄波睡起晴沙倚晚照

題劉將軍鴈二首

滕王蛺蝶雙穿花東丹胡馬歆胡沙祁連將軍  
一筆鴈生不竝世俱名家

將軍一矢萬人看雪洒晴空碎羽翰乞與失群  
沙宿鴈筆間千頃暮江寒

題劉將軍鴈

箭雨不需春水榴文時印平沙想見山陰書罷  
舉群驅向王家

題晁以道雪鴈圖

飛雪洒蘆如銀箭前鴈驚飛後回盼憑誰說與  
謝玄暉休道澄江淨如練

次韻子瞻題無咎所得與可竹二首粥字  
韻戲嘲無咎人字韻詠竹

十字供籠餅一水試茗粥忽憶故人來壁間風  
動竹舍前粲戎葵舍後荒晉菑此郎如竹瘦十  
飯九不足

地下文夫子風流絕此人能和晚烟色幻出歲  
寒心馬鬣松成拱鵝溪墨尚新應懷斷泥手去  
作主林神

次韻文潛休沐不出二首

風塵車馬逐得失兩關心惟有張仲蔚門前蓬  
藿深自公及歸沐畢願詩書林墻東作瘦馬萬  
里氣馭馭

與世自少味閉關非有心我葵一笑察露井百  
尺深著書洒風雨枯筆束如林蘇公歎妙墨逼  
人大馭馭

奉同子瞻韻寄定國

風雲開古鏡淮海熨冰純王孫醉短舞羅襪步  
微瀾老驥心雖在白鷗盟已寒斯人氣金玉視  
世一鼠肝南歸脫蟲蠱入對隨孔鸞忽以口語  
去鼓舡下驚湍收身薄冰釋置枕太山安后土  
花藥麗海門天水寬伐木思我友知人良獨難  
遙憐鬚髮綠猶復耐悲歡

次韻王定國揚州見寄

清洛思君晝夜流北歸何日片帆收未生白髮  
猶堪酒垂上青雲却佐州飛雪堆盤鱠魚腹明  
珠論斗煮鷄頭平生行樂自不惡豈有竹西歌  
吹愁

往歲過廣陵直早春嘗作詩云春風十里  
珠簾捲髮鬢三生杜牧之紅藥梢頭初靨  
粟揚州風物鬢成絲今春自有淮南來者  
道揚州事戲以前韻寄定國二首

淮南二十四橋月上時時夢見之想得揚州

醉年少正圍紅袖寫烏絲

日邊置論誠深矣聖處時中乃得之莫作秋蟲  
促機杼貧家能有幾絢絲

次韻錢穆父贈松扇

銀鈎玉唾明蠶紙松篔輕涼并相似可憐遠度  
噴溝淩適堪今時襍穢子丈人玉立氣高寒三  
韓持節見神山合得安期不死藥使我蟬蛻塵  
埃間

戲和文潛謝穆父松扇

猩毛束筆奠網紙松拊織扇清相似動搖懷袖  
風雨來愁見僧前落松子張侯哦詩松韻寒六  
月火雲蒸肉山持贈小君聊一笑不須射雉穀  
黃間

謝鄭閔中惠高麗畫扇二首

會稽內史三韓扇分送黃門畫省中海外人烟  
來眼界全勝博物注負蟲

蘋汀遊女能騎馬傳道蛾眉畫不如寶扇真成  
集陳隼史臣今得殺青書

次韻王炳之惠玉版紙

王侯鬚若綠坡竹哦詩清風起空谷古田小紙  
惠我百信知溪翁能解玉鳴礮千杵動秋山裹  
糧萬里來輦轂儒林文人有蘇公相如子雲并  
生蜀徃時翰墨頗橫溢此公歸來有邊幅小楷  
多傳樂毅篇高詞欲奏雲門曲不持去掃蘇公

門乃令小人今拜辱去騷甚遠文氣卑畫虎不  
成書勢俗董狐南史一筆無誤掌殺青司記錄  
雖於此中有公議或辱五鼎祭半菽頌公進德  
使見書不敢求公米千斛

謝王炳之惠石香鼎

薰鑪宜小竈鼎製珠暗嵐香潤雲生礎煙明虹  
貫岩法從空處起人向鼻端參一炷聽秋雨何  
時許對談



次韻柳通叟寄王文通

故人昔有凌雲賦，何意陸沉黃綬間。  
頭白眼花行作吏，兒婚女嫁望還山。  
心猶未死杯中物，春不能朱鏡裏顏。  
寄語諸公肯湔祓，割雞令得近鄉關。

送張天覺得登字

張侯起巴渝，翼若垂天鵬。  
歷詆漢諸公，霜風拂觚稜。  
去國行萬里，淡如雲水僧。  
歸來頭亦白，小試不盡能。  
湖海尚豪氣，有人議陳登。  
持節上三晉，典刑寄哀矜。  
公家有閑日，禪窟問薌燈。  
因來叙行李，暫寄老崖藤。

次韻徐文將至國門見寄二首

槐催舉子著花黃，來食邯鄲道上梁。  
便欲掃床懸麈尾，正愁喘月似燈光。  
千頭剖蚌明珠熟，百尺垂絲繪縷長。  
柳下石門君有此，可能衝雪屐清涼。

博士王揚休輟密雲龍同事十三人飲之

戲作

亂雲蒼壁小盤龍  
貢包新樣出元豐  
王郎坦腹飯床東  
大官分物來婦翁  
棘園深鎖武成宮  
談天進士雕虛空  
鳴鳩欲雨喚雌雄  
南嶺北嶺宮徵同  
午窻欲眠視濛濛  
喜君開色輟春風  
注湯官焙香出籠  
非君灌頂甘露椀  
幾爲談天乾舌

本

荅黃冕仲索煎雙井茶并簡揚休

江夏無雙乃吾宗  
同舍頗似王安豐  
能澆茗椀湔袂我  
風袂欲挹浮山翁  
吾宗落筆賞巒事  
秋月下照澄江空  
家山鷹爪是小草  
敢與好賜龍團同  
不嫌水厄奉來辱  
寒泉湯鼎聽松風  
夜堂朱墨小燈籠  
惜無纖纖來捧椀  
惟倚新詩可傳

本

再荅冕仲

丘壑詩書雖數窮。田園芋栗頗時豐。小桃源口  
雨繁紅。春溪蒲稗沒。鳧翁投身世。網夢歸去摘  
山鼓。雷隱空。秋堂一笑共燈火。與君草木真  
味同安用茗澆磊隗。曾他日過飯隨家風。買魚  
貫柳鷄著籠。更當力貧開酒椀。走謁隣翁稱子

本

黃篇卷第六

蜀後學蔣芝考証刊


寧後學查仲儒校証

戲答陳元寶

平生所聞陳汀州  
蝗不入境年屢豐  
東門拜書始識面  
髣髴李未成老翁  
官饔同盤厭腥膩  
茶甌破睡秋堂空  
自言不復蛾眉憂  
枯淡頗與小臣同  
但憂迎笑花枝紅  
夜窻冷雨打斜風  
秋衣



三



沉水換薰籠銀屏宛轉復宛轉意根難按如薤  
本

再答元輿

君不能入身帝城結子公又不能擊強有如諸  
葛豐法當憔悴百僚底五十天涯一秃翁問君  
何自今爲郎便殿作賦殼摩空偶賦樽酒相勞  
苦牛鐸調與黃鍾同安得朱轡各憑熊江南樓  
閣白蘋風勸歸啼鳥曉窻籠男兒邂逅功補袞

爲倦歸巢葉歸本

次韻冕仲考進士試卷

少年迷翰墨無異蟲蠹木諸生程藝文承詔當  
品目未敷設箱籠賦納忽數束變名混甲乙騰  
寫失句讀書窻過白駒夜几跋紅燭鈎深思嘉  
奩攻璞願良玉談天用一律呻訊屢重復絲布  
澁難縫快意忽破竹聖言禪曲學割袞綴邪幅  
注金無全巧竊發或中鵠翟公辟靡老薪槲茂

棧樸御史威降霜行私不容粟吏部提英鑿片  
善蒙采錄博士刈其楚銓量頗三復因人享成  
事賤子真碌碌

王聖美三子補廣文生

王家人物從來遠今見諸生揔好賢三級定如  
魚尾進一鳴已作鴈行連愧無藻鑑能推轂頭  
卷囊書當贈錢歸去雄誇向兒姪舍中犢子騰  
狂顛

次韻游景叔聞捷報寄諸將四首

千仞溪中石轉雷漢軍萬騎擣虛回定知獻馬  
胡雛入郛者穢觴都設來

中原日月九夷知不用擒胡纛鼓旗更向天階  
舞于翳降書剝破一年遲

漢得洮州箭有神斬關擒敵不遠巡將軍快上  
屯田計要納降胡十萬人

遙知一炬絕河津生縛青宜不動塵付與山河

仰如斗忍爲鼠子腹心人

和游景叔月報三捷

漢家飛將用廟謀復我匹夫匹婦讐真成折箠  
擒胡月不是黃榆牧馬秋幄中已斷匈奴臂軍  
前可飲月氏頭頭見呼韓朝濶上將軍不用萬  
戶侯

次韻催伯易席上所賦因以贈行二首

迎新與送故渠已不勝勤民賣腰間劍公寬柱  
後文諸郎授賜沐高台惜臨分去國雖千里分  
憂郎迓君

老惜文情別追隨車馬勤臨朝思共理治郡復  
斯文訟息常休吏民貧更勸分西湖十頃月自  
比漢封君

同子瞻和趙伯克

金玉堂中寂寞人仙班時得共朝真兩宮無事  
安盤石萬國歸心有老臣家釀可供開口笑侍

兒工作捧心顰醉鄉乃是安身處付與升平作  
率民

戲荅趙伯克勸莫學書及爲席子澤解嘲

延叔盎

平生飲酒不盡味五鼎餽肉如嚼蠟我醉欲眠  
便遣客三年窺牆亦面壁空餘小來翰墨場松  
烟兔穎傍明窻偶隨兒戲洒墨汁衆人許在崖  
杜行晚學長沙小三昧幻出萬物真成狂龍蛇

起陸雷破柱自喜奇觀繞繩床家人罵笑寧有  
道汚染黃素敗粉牆誠不如南鄰席明府蛛網  
鎖硯蝸書梁懷中探丸起九死才術頗似漢大  
倉感君詩句喚憂覺邨邨初未熟黃梁身如朝  
露無牢強玩此白駒過隙光從此求明書百卷  
自公退食一爐香

謝景叔惠冬筭雍酥水梨三物

玉人憐我長蔬食走送厨珍自不嘗秦牛肥膩



酥勝雪漢苑甘泉梨得霜冰底斲春生筍束豹  
文解籜饌寒玉見他桃李憶故園曉獠應殘遶  
窻竹

再答景叔

女三爲粲當獻王三珍同盤乃得嘗甘泉下澆  
藜覓腸令我詩句挾風霜小人食珍敢取足都  
城一飯炊白玉賜錢千萬民猶飢雪後排簷凍  
銀竹

次韻幾復和荅所寄

溽南海北憂不到會合乃非人力能地福未看  
長袖舞寒空對短檠燈相看髣髴時窺鏡曾  
共詩書更曲肱作箇生涯終未是故山松長到  
天藤

寄上叔父夷仲三晉

少年有功翰墨林中歲作吏幾陸沉庖丁解牛  
妙世故監市履稀知民心萬里書來兒女瘦十

月山行冰雪深憂魂和月繞秦隴漢節落毛何處尋

艱難聞道有歸音部曲霜行碧月沉王春正月調玉燭使星萬里朝天心頗令山澗藏國用乃見縣官恤民深經心隴蜀封疆守必有人材備訪尋

關寒塞雪欲嗣音燕鴈拂天河鯉沉百書不如一見面幾日歸來兩慰心子乃陌上望行色兒女燈前語夜深更懷父子東歸得手種江頭柳

十尋

考試局與孫元忠博士竹間對窻夜聞元忠誦書聲調悲壯戲作竹枝歌三章和之南窻讀書聲吾伊北窻見月歌竹枝我家白髮問烏鵲他家紅粧占蛛絲屋上啼烏兒當歸玉釵眉蛛郎馬嘶去時燈火正月半階前雪消萱草齊

勃姑夫婦喜相喚街頭雪泥即漸乾已放游絲  
高百尺不應桃李尚春寒

觀伯時畫馬禮部試院作

儀鸞供帳饗蟲行翰林濕薪爆竹聲風簾官燭  
淚縱橫才穿石槩未渠透坐窓不邀令人瘦貧  
馬百散逢一豆眼明見此五花駝徑思着鞭隨  
詩翁城西野桃尋小紅

題伯時畫楷痒虎

猛虎肉醉初醒時楷磨痒痒風助威枯南未覺  
草先低木末應有行人知

題伯時畫觀真僧

橫波一網腥城市日暮江空烟水寒當時萬事  
心已死猶恐負作故時看

題伯時頓塵馬

竹頭捨地風不舉文書堆案懸自語忽看高馬  
頓風塵亦思歸家洗袍袴

題伯時畫嚴子陵釣灘

平生久要劉文叔不肯爲渠作三公能令漢家  
重九昇桐江波上一絲風

題伯時畫松下淵明

南渡誠草草長沙慰艱難繚風霾八表半夜失  
前山遠公香火社遺民文字禪雖非老翁事幽  
尚亦可觀松風自度曲我琴不須彈客來欲開  
說觴至不敢言

次韻子瞻子由題懋寂圖二首

松舍風雨石骨瘦法窟寂寥僧定時李侯有句  
不肯吐淡墨寫出無聲詩

龍眠不似虎頭癡筆妙天機可竝時蘇仙漱墨  
作蒼石應解種花開此時

出禮部試院王才元惠梅花三種皆妙絕

戲荅三首

城南名士遣春來三月乃見蠟前梅定知鎖著

江南客故放綠陰春晚回

舍人梅塢無關鎖携酒俗人來未魯舊時愛菊  
陶彭澤今作梅花樹下僧

病夫中歲屏杯杓百葉緝梅觸撥人拂殺官黃  
春有思滿城桃李不能春

王立之承奉詩報梅花已落盡次韻戲荅  
南枝北枝春事休榆錢可穿柳帶柔定是沈郎  
浮詩瘦不應春能生許愁

乞桃花二首

正是風光嬾困時姚黃開晚落應遲欲雕好句  
乞春色日曆如山不到詩

青春日月鳥飛過汗簡文書山疊重乞取好花  
天上看宮衣黃帶御爐烘

效王仲至少監詠桃花用其韻四首

映日低風整復斜綠玉眉心黃袖遮大梁城裏  
雖罕見心知不是牛家花

九疑山中萼綠華黃雲承鞞到羊家真筌蟲蝕  
詩句斷猶託餘情開此花

仙衣裳積駕黃鵠草木無光一笑開人間風日  
不可柰故待成陰葉下來

湯沐冰飢照春色海牛壓簾風不開真苦紅塵  
無路入猶傍蜂鬚蝶翅來

寄杜家父二首

紅紫爭春觸處開九衢終日犢牛雷閑情欲被

詩將天鳥喚花驚只麼回

風塵點汗青春酒自汲寒泉洗醉紅徑欲題詩  
嫌浪許杜郎覓句有新功

王才元舍人許牡丹求詩

聞道潘溪千葉紫主人不剪要題詩欲搜佳句  
恐春老試遣七言賒一枝

謝王舍人剪送狀元紅

清香拂袖前未紅似繞名園曉露叢欲作短章

憑阿素緩歌謔與落花風

戲荅陳季常寄黃州山中連理松枝二首

故人折松寄千里想聽萬壑風泉音誰言五鬢  
蒼烟面猶作人間兒女心

老松連枝亦偶然紅紫事退獨參天金沙灘頭  
鑊子骨不防隨俗斲婣娟

次韻子瞻送李參

一壺地追風日未試千里誰能識習之實

祖斯二如女有正色今年持橐佐春官遂  
失此人難塞責雖然一闕有奇偶博懸於接不  
在德君看巨浸朝百川此豈有意潢潦前願爲  
霧豹懷文隱莫愛風蟬蛻骨仙

次韻林楸宗三月十四日到西池都人盛

觀翰林公出遊

金狨繫馬曉鶯邊不比春江水上舡人語車轂  
喧法曲花光樓影倒晴天人間化鶴三千歲海

上看羊十九年還作遨頭驚俗眼風流文物屬  
蘇仙

韓獻肅公挽詩三首

鬱鬱高陽里生才世不孤八龍歸月旦三鳳繼  
天衢梁壞吾安仰人亡道固臞空令湖海士愁  
絕奠生芻

物產元希世風流更折衝決疑京兆尹富國大  
司是遠業三事仁轂達九宗方祈酌周斗何

淚盡才難日斯人遽隕傾冰枝憂木稼食昂恨  
長庚名與具茨重心如潁水清堂堂萬夫表直  
作閑佳城

次韻子瞻以紅帶寄王宣義

參軍自有四壁立初無臨江千木奴白頭不是  
折腰具桐帽棕鞵稱老夫滄江鷗鷺野心陰  
壑虎豹雄牙須鸛鷄作裘初服在猩血染帶鄰



翁無昨來杜鵑勸歸去更得把酒瑤提壺當今  
人材不乏使天上二老須人扶兒無飽飯尚勤  
書婦無複禱且着襦社甕可漉溪可渙更問黃  
鷄肥與癯林間醉着人伐木猶憂官下聞追呼  
萬釘圍腰莫愛渠富貴安能潤黃壚